

*Shiḽwa sha Moyo*




# *Nane*

## *(Juni)*

*Nghĩlĩ na mĩmbo ga*

*Būtogwa wa ng'wa Siswe wa  
Ng'wigūlū Kūtūlang'hana  
mu Kisukuma*

*(Mistari na nyimbo kwa Kisukuma  
kuhusu Upendo wa Baba Yetu  
wa Mbinguni Kututunza)*





# I

Ee Yehova, Bebe wanigīsīligije na kūnimana.  
Bebe ūmanile kwigasha kwane na kūbūka  
kwane. Witegelegije kwiganika kwane kūfu-  
ma kūle. Waasūngūja kajīle kane, na kūlala  
kwane; ūmanile nzila jane jose.

*Zaburi 139:1-3*

Ūlū tūlī na makoye  
Nūlū bŭpīna wingī  
Tūlekage kūgwa ngholo  
Tūng'wīle mhayo gose  
Atī ho ngunani ūngī  
Wa nguzu gītī Yesu,  
Mūcha wa makoye giswe  
Ayo gatūluhaja.

-----

## 130.2 Tūlī na Ndūgū Wa Nghana

Yesu Kwetu Ni Rafiki (Sifa #36; Tenzi #9)

*(What a Friend We Have in Jesus)*



## 2

Hūna Mulungu ūnsema munhū mu chikolile  
chakwe, mu chikolile cha Mulungu ū ng'wene  
walī ūnsema; akabasema ngosha na nkīma.

*Wandījo 1:27*

**Masonda gose,  
Līmi na sī yiswe,  
Nsemi wing'we,  
Na nindi, mungongolage.**

***Halelūya, Yesu Kristo!  
Halelūya, Seba!  
Halelūya, waagūngūhiwa,  
Wapyena shose!***

-----

### **54.4 Tūkūngongolaga**

Twamsifu Mungu (Sifu #4; Tenzi #2)  
*(We Praise Thee, O God)*



### 3

Naabūjimya būkenagūji wako gītī ilunde idi-  
to, na shibi shako nasho gītī ilunde; shokaga  
kūlī Nene, īkī naakūkomola.

*Isaya 44:22*

**Nakiza kūlī We, nanogile,  
Akīnja shibi pye, akīnja shibi pye,  
Būtogwa wakwe waaniyeja no,  
Akīnja shibi pye.**

**Akīnja shibi pye, akīnja shibi pye,  
Ū Yesu akūndindaga,  
Ndiyega Yesu waanipīja,  
Akīnja shibi pye.**

-----  
**261.1 Nakiza Kūlī We, Nanogile**  
Bwana Yesu Amenitakasa (Sifa #76)  
*(He Took My Sins Away)*



# 4

[Mulungu alihaya giki,] "Aho nali natali  
kukubumba mu nda naali nakumanile, hanga  
aho walutali kwinga mu nda nali nukweja."  
*Yeremia 1:5a*

Waanisagija, nhalakwiba bebe,  
Nulu mhayo gose gutumhyenaga,  
Nulu bujiku bukunipindyaga,  
Ku butongi wane limi lyakaga.

Nhalakwiba nulu kukuleka,  
u mu makono gane,  
Nakukulinda Nene,  
nhalakwiba nulu kukuleka,  
Ndi Nkomoji wako, hukulindaga.

-----

**251.1 Waanisagija, Nhalakwiba Bebe**  
*(I Will Not Forget Thee)*



# 5

Hama nīyo ū mūlī wei tūsolilwe kūfuma kale,  
kūlenganīla na kahelele kakwe wei  
ng'wenekīlī, ūyo akatongeelagwa na  
kalamulīle ka maganiko gakwe.

*Baefeso 1:11*

**Kūfuma kale Ndīmi akanikobaga,  
Nalī njimīji gete, na nghūnga mu moyo,  
Waanīnja mu wanishi pye,  
Nabize ng'wana kūlī We.**

***Ū būtogwa wakwe! na mininga gakwe!  
Na kīgongo chakwe chingī no!  
Nakūnūmba shikū welelo.***

-----

## **50.1 Kūfuma Kale Ndīmi**

Tangu Zamani Mchunga (Sifa #72)  
*(Oh the Love that Sought Me)*



## 6

Na nghana ūbūūka ūja ū kŭlī ise, alīyo aho  
ataalī kŭle, ū ise ūnoleela, ūnsaatwa.  
Ūnsŭng'wanha bo nhambo. Ūkashikīla  
kŭng'wīla ūnkumbatīla mu nhingo, kŭnū  
akūmbipaga.

*Luka 15:20*

Ng'wana ū njimīji ūja kŭlī ise  
Na ūng'wīla, nabihije no,  
Aho ise ūmona, ūmpelela ho,  
Na ūnsatwa, ūng'wegeleja.

*Ūng'wegela, ūmbipa no,  
Ūng'wegeleja kŭ kaya.  
Ng'wana wane, wabeja wiza  
Lendaga lŭlū ha kaya.*

-----

**238.1 Ng'wana ū Njimīji**  
*(Welcome For Me)*



# 7

Ūbatūūlīla na makanza, nī mbīm̄bī: mihayo  
īyo īhelilwe kūfuma kale kūlwa wikalo wabo;  
gīkī bayūbbabbasha-bbabbasha, nose  
bampandīke ū Mulungu, nūūlū īkī atī kūle na  
būlī ūmò wise.

*Shītwa 17:26b, 27*

**Witambūke moyo gwane,  
Ūnyegele ū Nkomoji,  
Būpīji ū wa Mulungu  
Wakumūka kū sī yose.**

*Mulungu wasanya nghana  
Kūpīja sī yakwe yose,  
Nghana akūtūkomola,  
Moyo gwane wagūwīla,  
Gwilangage Mhayo gwakwe,  
Moyo gwane ūyegage.*

-----

**138.1 Witambūke Moyo Gwane**





# 8

Kīlī kīgongo cha ng'wa Yehova gīkī,  
tūtūyagala, īkī kīsa chakwe kītashilaga. Kīlī  
kīpya būlī dilū; wishigwa wako būlī būtale.  
*Nghūngū 3:22, 23*

**Kīgongo chakwe kītale  
Chaanipīja nene,  
Nalī njimīji mu nsango  
Na moku mu moyo.**

**Alīyo kīgongo chakwe  
Chanigela haha,  
Chafumbūla miso gane  
Na chanitungūla.**

-----  
**150.1, 2 Kīgongo Chakwe Kītale**  
Katika Neema Ya Yesu (Sifa #15)  
*(Amazing Grace)*



## 9

Miso gako galī gūnibona aho nalī natalī  
kushikana; na mu kītabo chako jalī jandīkwa  
jose, shikū ījalī jūlagīlwa aho jalī jitalī  
kūbiza ho.

*Zaburi 139:16*

Ūtogilwe kūbi ng'wela  
Mulī Nkomoji,  
Kūshimīnza nanghwe  
Shikū jose pye?  
Ūtogilwe wejiwe,  
Ūbize mhola no?  
Wiyinhage kūlī We.

*Būdūla wakwe būlakwizīla,  
Mīninga gakwe galakweja pe,  
Būtogwa wakwe būlakokaja  
Ūlū ūkwiyinha ko, kūlī We.*

-----

**229.1 Ūtogilwe Kūbi Ng'wela**  
*(His Way With Thee)*



# 10

Īkī nūlū ūmpīnihaja nahene akūchīla kīgongo,  
gītūmo wingī wa kīsa chakwe ūmo būlī.

*Nghūngū 3:32*

Ūlū ūsatwa būpīna wingī,  
Ūntambūlīlage Yesu,  
Ūlū ūlīla shisoji shingī,  
Ūntambūlīlage Yesu.

*Yesu hū Ng'wene Mpīja,  
Yesu akwinha mhola,  
Hahīyī nzūgū kūlī We,  
Ūntambūlīlage Yesu.*

-----

**95.2 Ūlū Wapyenagwa Shibi**  
*(Let Jesus Come into Your Heart)*



## II

Mūlibūbona ū bŭtogwa bokwe ū Sīswe ūmo  
atūtogelilwe, gīkī twitanwe tūlī baana ba  
ng'wa Mulungu, na nghana h'ūmo tūlī! H'ī  
chene ī sī ītīko ū kŭtwitegeleja, nguno yalī  
īta ng'witegelegije ū wei.

*1 Yohana 3:1*

**Gokale pye manyanza wino,  
Igŭlŭ pye mbapŭla ho,  
A maswa gose, makalamu,  
Na bŭlī munhŭ ng'wandīki,  
Kŭwandīka bŭtogwa wake,  
Manyanza gŭshila pye,  
Mbapŭla ja igŭlŭ lyose  
Jŭleba na kŭtinda.**

*Bŭtogwa wa Mulungu wene  
Wa wela na bŭdŭla,  
Ee, bŭlashinga ho welelo,  
Abakomolwa bīmba.*

-----

**257.3 Bŭtogwa Wa Mulungu Wiswe**  
*(The Love of God)*



## 12

Būlī kanonghelwe kawiza, na būlī inongho  
ishikanu līkafumaga kwigūlya, kūlī Sīswe  
w'isana, ūyo atī magalū-galū nūlū hado,  
ndūhū nūlū nengeeji gwago ū mhayo  
gwenūyo.

*Yakobo 1:17*

**Mhay'ūyū gwene nonu gete kū bazunya pye,  
Yesu ng'wene atūgalūka shikū ja welelo;  
Nūlū lelo alībapīja balwile bingī no  
Na bapīna ūbalūngūja, gītī kale ho.**

***Lelo, ntondo, welelo bose, ū Yesu akūjiwe!  
Shose shingī shikagalūkaga, ali yaya We!  
We akūjiwe! Atagalūkaga.  
Shigalūke, ū Yesu yaya! We akūjiwe!***

-----

### **195.1 Mhay'ūyū Gwene Nonu Gete**

Neno Hili Ni Zuri Sana (Sifa #8)  
(Yesterday, Today, Forever)



# 13

Na lūlū mānīlagi henaho; a bing'we nūlū īkī  
mulī babūbi, nahene mumanile ū kūbinha a  
baana bing'we shikolo shawiza, īlī kūtīnda no  
ū kūlī Sīng'we ūyo alī ng'wigūlū. Ū ng'wene  
akūbinha shakwinha shawiza no pye abo  
bakūnombaga.

*Matayo 7:11*

**Mbūla ya mbango īliza,  
Ūyītūmage lelo,  
Aho tūtālī tūlomba,  
Twinhage mbago jako.**

*Ūtwenhelage  
Mbula ya Moyo Ng'wela;  
Ītī kaswalala dūhū,  
Alīyo mbūla nghanya!*

-----

## **69.4 Mbūla Ya Mbango Īliza**

Baraka Zake Ni Nyingi (Sifa #20)  
*(There Shall Be Showers of Blessing)*



# 14

Alīyo ū Mulungu īkī nsabi wa shigongo, hangī  
atūtogilwe na būtogwa būtaale, nūūlū aho  
twalī tūchile kūlwa būjimījī wise, akatwīta  
kūbiza tūlī bapanga hamò na Kilisto,  
(mupījiwe kūlwa shigongo).

*Baefeso. 2:4, 5*

Kale nalī ndī ng'oba no,  
Nūtungwa na ū mi,  
Kīgongo chaanitungūla,  
Mu boba bose pye.

Nakūnūmba Seba wane  
Shikū jane jose,  
Īki naasangījiwa mo  
Mu nsalaba gwakwe.

-----

**150.3,4 Kīgongo Chakwe Kītale**

Katika Neema Ya Yesu (Sifa #15)  
(*Amazing Grace*)



# 15

[Seeba Yesu alihaya giki:] "Huna lūlū, oyagi gete  
ū kwikala mukūkoya-koyaga mulihaya giki,  
'Tūkūlya kī'; nūlū, 'Tūkūng'wa kī'; nūlū  
'Tūkūzwala kī!' Nguno abo bataamanile Mulungu  
hū bene abo bakakoyaga kūshikooba ī shose īshi;  
aliyo a bing'we, ū Sīng'we ūyo alī ng'wigūlū  
amanile giki shing'wigeleelilwe mubize nasho ī  
shose īshi. A bing'we bene būkoobagi tame ū  
būtemi bokwe nū būtūngīlīja bokwe, nī shenīshi  
mukongejīwa pyī ī shose."

*Matayo 6:31-33*

**Mulekage kūkoya  
Na shose ī sha mu sī,  
Mujage, bīng'we bose,  
Tūkīmbe ya ng'wa Yesu.**

*Tūkīmbe ya ng'wa Yesu,  
Ū Nkomoji wiswe;  
Tūkīmbe ng'wa Yesu,  
Bose tūlakayega.*

-----

**137.1 Mulekage Kūkoya Na Shose**





# 16

Īkī nagamanile a maganiko ayo  
nalīng'wiganikīla bing'we, wahaya Yehova,  
gene maganiko ga mhola, gatī ga sha būbi  
yaya, kūng'winha bing'we kwisagīlwa mu  
shikū jing'we ja kū mhelo.

*Yeremia 29:11*

**Alī ho Mulungu wiswe,  
Mu būdūla wakwe pye.  
Mbula yakwe ya lūbango  
Īlīhaya kūgwa ho.**

***Yize, Seba, tūlīlomba.  
Mbula yako yize mo,  
Tūlindīlile ī mbango  
Tūhīmbūchage bose.***

-----

## **64.1 Alī ho Mulungu Wiswe**

*Yupo Mungu Wa Neema (Sifa #22)  
(God is Here and That to Bless Us)*



# 17

Yehova walī ūnilongela kale, ūhaya gīkī, Ali  
chene, naakūtogwa na būtogwa bütūshila: hī  
yene nguno naakūduta na shigango shane.

*Yeremia 31:3*

Ndī ng'wana wakwe haha --  
Būsangī wa wiza,  
Nalang'wikola ū We  
Aho nalamona;  
Alaningīja ng'wikūjo --  
Ikūjo lyakwe welelo.

*Ū būtogwa wakwe! na mininga gakwe!  
Na kīgongo chakwe chingī no!  
Nakūnūmba shikū welelo.*

-----

**50.1 Kūfuma Kale Ndīmi**  
Tangu Zamani Mchunga (Sifa #72)  
*(Oh the Love that Sought Me)*



# 18

Ee Mulungu, maganiko gako galī ga mpango  
no kŭlī nene; bŭkŭmi wago wene wingī  
kīnahe! Ūlū ni nŭgema kŭgabala, gakīlile  
bŭkŭmi wa maseni; aho nŭmisha natalī nali  
hamo nangho.

*Zaburi 139:17-18*

**Mu mhayo ūyū nayega,  
Bebe Mulungu wa wiza,  
Ūwaanīngīja nsango pye,  
Hū yene lŭlū nalŭmba.**

*Nayega, nayega,  
Yesu wanogije shibi,  
Alanitwal'ŭko alī,  
Akŭndinda shikŭ jose,  
Kŭyega, kŭyega  
Kŭlabiza kŭtale no.*

-----

**156.1 Mu Mhayo Ūyū Nayega**  
*(O Happy Day)*



# 19

Ū Yehova Mulungu wako alī mugatī yako, ū  
wa makaya; Ūyo alapīja: Wei alakūyegela  
bebe na būyegi bŭtale, alalembela mu  
bŭtogwa wakwe, alakūyegela bebe mu  
kwĩmba.

*Zefaniya 3:17*

**Bose ba ng'wigŭlŭ bakŭyegaga,  
Īkī munhŭ wanzunya Yesu;  
Lola ū Mulungu wang'wegeleja,  
Ū njimīji washoka kaya.**

*Halelŭya!*

*Bŭyegi wingī,*

*Halelŭya!*

*Bakwĩmbaga no:*

*Bŭyegi wakwīla ūko ng'wigŭlŭ  
Nguno munhŭ wanzunya Yesu.*

-----

## 51.1 Bose ba Ng'wigŭlŭ

Walio Mbinguni (Sifa #81)  
*(Ring the Bells of Heaven)*



## 20

Nguno ū Mulungu abatogilwe no a ba mu sī,  
kūshisha nose ūnfunya Ng'wana wakwe ūmò  
wike; gīkī būlī ng'wene ūyo ūnzunya  
atizuyagala, alīyo abize na būpanga bo  
welelo na welelo.

*Yohana 3:16*

**Īkī Mulungu wabatogwa  
Banhū ba mu sī,  
Akantūma Ng'wana wakwe  
Kūbachīlīla bose;  
Būlī munhū ūwanzunya  
Aleke kūjimīla,  
Abi na būpanga.**

*Halelūya, Yesu Kristo,  
Halelūya, Mpīja wiswe,  
Halelūya, Seba ntale  
Ūkūjiwe wike.*

-----  
**85.1 Īkī Mulungu Wabatogwa Banhū Ba Mu Sī**  
*(Mine Eyes have Seen the Glory)*



# 21

Alīyo ū Mulungu ū ng'wene atoolekegije ū  
būtogwa bokwe ūmo atūtogelilwe mu gīkī, ū  
Kilisto akatūchītila a bise aho twalī tūtaalī  
banhū ba shibi.

*Balumi 5:8*

**Ndī na Mpīja wa kūkumya nīyo,  
Waanichītila ha līntī;  
Akafunya mininga gakwe,  
Nakomolwe nene mihya.**

*Akanichītila nene,  
Akanichītila nene;  
Walī ūkong'wa ko  
Ha nsalaba,  
Akanichītila nene.*

-----

## **18.1 Ndī Na Mpīja Wa Kūkumya Nīyo**

Yesu Ndiye Mkombozi Wetu (Sifa #107)  
*(He was Nailed to the Cross for Me)*



## 22

Nitanage Nene, nane nakūkwidika, nane  
nakūkolekeja mihayo mitale, milambu iyo  
ūtayīmanile.

*Yeremia 33:3*

**Nigwaga ilaka,  
Wanitana Bebe;  
Niza kwejiwa mu moyo  
Na mininga gako.**

*Nizile, Seba,  
Nakūdayīla.  
Nojage na mininga  
Agalī gūsela.*

-----

### **74.1 Nigwaga Ilaka**

Nasikia Kuitwa (Sifa #122; Tenzi #40)  
*(I Hear Thy Welcome Voice)*



## 23

Ūnyegele Yehova, nanghwe akūkwinha  
nghūmbū ja ngholo yako.

*Zaburi 37:4*

**Shose wagayiwa akwinha,  
Akūkūlinda gete,  
Atalalema kūlomba pye,  
Akūkūlinda mo.**

*Akūkūlinda gwa,  
Shikū jose, mu nzīla pye,  
Seba akalindaga.  
We akūkūlinda gwa.*

-----

### **205.3 Ūtizogoha banishi Pye**

Usiogope Maadui (Sifa #50)  
*(God Will take Care of You)*





## 24

Akumīlījiwe ū Mulungu, Ise wa ng'wa Seeba  
wise Yesu Kilisto, Sīswe wa shigongo, na  
Mulungu nūngūja mu yose. Hūna ng'wene  
akūtūlūngūjaga ū mu makoye gise gose, ayo  
gakūtūgwīlaga.

*2 Bakolinto 1:3-4a*

**Mu sī, ilundu na shisoji mo,  
Nūngūja, We Yesu,  
Būlīla nghūngū nabo bingī no,  
Nūngūja, We Yesu.**

***Amanile makoye giswe,  
Wal'ūgeng'wa gītī biswe,  
Ngūnani ū We wa kīgongo no,  
Ngūnani, We Yesu.***

-----

**128.2 Mu Sī Ūmu Būpīna Wingī No**  
*(No, Not One)*



# 25

Yehova alī hihī nabo a ba ngholo ībīnzīkile,  
na akūbapījaga a ba moyo gūpīnīhalile.

*Zaburi 34:18*

Seba, niyinha kūlī Bebe,  
Būpanga wane na shose pye;  
Kūfuma lelo shitī shane,  
Alīyo shako, Seba wane.

Ali būdūla naatī nabo,  
Nhūdūla nene kwīta mhayo;  
Našanya Bebe kwīta yose,  
Īkī ūlī mo mulī nene.

-----

**99.1.3 Seba, Niyinha kūlī Bebe**  
Mapenzi Yako Yafanyike (Sifa #162; Tenzi #91)  
*(Have Thine Own Way)*



## 26

Alalīdīma idale lyakwe gītī ndīmi, shidahīnda  
alashikumbata mu makono gakwe,  
alashibūcha ha kīkuba chakwe, na ngholo  
tjijlongha alajidīma chiza chiza.

*Isaya 40:11*

Yehova hū Ndīmi, nhūgayiwa,  
Ūndaja ng'wīdīmīlo  
Lya maswa managana no,  
Kū nzwinzī ūnhonga.

*Ikondejo lyakwe ilyehu no,  
Nabonaga, nabonaga,  
Akūnhongelaga gwa gwa gwa  
Kū nzwinzī mhanga no.*

-----  
**169.1 Yehova Hū Ndīmi**  
*(His Yoke is Easy)*



## 27

Niigwa ilaka itaale kūfuma a h'Isumbī lya  
būtemi līlīhaya gīkī, "Managa gīkī, ū wikalo  
bo ng'wa Mulungu būlī hamò na banhū,  
akwikala hamò nabo babize banhū bakwe; nū  
wei ng'wenekīlī ū Mulungu akūbiza hamò  
nabo, abize Mulungu wabo..."

*Kūkundūlīwa 21:3*

**Aho Yesu Seba wiswe alashoka ho hangī,  
Nalūshīkū lwa būyegi lūshika,  
Aho bakomolwa bakwe babilingwa ko nanghwe,  
nene nalabiza ko hamo nabo.**

*Nalabiza hamo nabo  
Aho alitana bakwe,  
Būyegi būtale nīyo!  
Nene nalabiza ko hamo nabo.*

-----

### **174.1 Aho Yesu Seba Wiswe Alashoka**

Bwana Yesu Atakaporudi (Sifa #114)  
*(When the Roll is Called Up Yonder)*



## 28

Nalī nūbaduta na ngoye ja kīmunhū, mu  
būtungwa wa būtogwa; na Nene nalī nūbiza  
kūbo gītī abo abakwīnjaga ikondejo mu  
masaya gabo, na Nene nalī nūtenga sha  
kūlya mu būtongi wabo.

*Hosea 11:4*

Nitongelage Yehova,  
Nene nshimīnzi mu sī,  
Nhī na nguzu, ūlī najo,  
Ndinde na nkono gwako;  
Ūnilishe, ūnilishe,  
Shilīwa sha ng'wigūlū,  
Shilīwa sha ng'wigūlū.

-----

237. Nitongelage Yehova  
(*Songs of Praises*)



## 29

Nguno namanile hape gīkī, nūlū kūcha, nūlū  
būpanga, nūlū bamalaika, nūlū basugi,  
nūlū īsho shilīho, nūlū īsho shilabize ho,  
nūlū mabūdūla; nūlū mihayo ya higūlya no,  
nūlū ya kū shimu, nūlū shiseeng'wa shingī  
shose-shose: shitīho īsho shidūgije  
kūtūlekanya nabo ū būtogwa bo ng'wa  
Mulungu, ūbo būlī mulī Kīlīsto Yesu Seeba  
wise.

*Balumi 8:38, 39*

Aho ūnhūmīla  
A makoye,  
Nataladuguma  
Mhayo gose,  
Ūlū gūnilanga  
Kūkūtogwa Bebe,  
Kūkūtogwa  
Kūtinda no.

-----

### 77.3 Seba, Ūnongeje Ū Būtogwa

Nijaze, Bwanangu (Sifa #56)  
(More Love to Thee, O Christ)



# 30

[Seeba Yesu alihaya gīkī,] Nalīmuwīla h'ūmo  
būlī nū būyegi bo ng'wigūlū kūlwa nguno ya  
ng'wa munhū nkenangūji ūmò ūlū ūgalūka;  
kūtinda batūngīlīja makūmi kenda na kenda  
abo batī na nguno ya kūgalūka!

*Luka 15:7*

**Bose ba ng'wigūlū bakūyegaga,  
Īkī nkenagūjī oyaga;  
Munhū wīnjiwa mo mu shibi shakwe,  
Wabyalagwa na Moyo Ng'wela.**

*Halelūya! būyegi wingī,  
Halelūya bakwīmbaga no;  
Būyegi wakwīla ūko ng'wigūlū,  
Nguno munhū wanzunya Yesu.*

-----

## 51.2 Bose Ba Ng'wigūlū

Walio Mbinguni (Sifa #81)  
(Ring the Bells of Heaven)



Wasaidizi: M. B. Luhaga, M. S. Masanagulilo,  
G. M. Bundala, M. S. Ipimilo  
Mratibu msaidizi: S. Nkoma Ngallaba  
Mratibu na mhariri: N. Glock  
Mchoro katika kitabu hiki: I. D. Mashauri (IKIGO)

*Nane*  
*(Juni)*

*Nghĩĩĩĩ na mĩmbo ga*  
*Bũtogwa wa ng'wa Siswe*  
*wa Ng'wigũlũ Kũtũlang'hana*  
*mu Kisukuma*  
*(Mistari na nyimbo kwa Kisukuma*  
*kuhusu Upendo wa Baba Yetu*  
*wa Mbinguni Kututunza)*

Mistari ya Agano la Kale imetolewa kutoka  
*Shandikwa Shela Sha Mulungu*  
ishilikwa giki *Biblia* ©1960  
Mistari ya Agano Jipya imetolewa kutoka  
*Ilagano Ipya, Nghũlũ Jawiza kũ Banhũ Bose* ©2000  
Imetumika kwa kibali cha  
Chama cha Biblia Tanzania  
P.O. Box 175, Dodoma, Tanzania

Nyimbo zimetolewa kutoka  
*Mimbo* (Kisukuma)  
Imetumika kwa kibali cha  
Inland Publishers  
Haki zote zimehifadhiwa ©1987

© Wycliffe Inc. 2011  
Kimechapwa na  
Elimu ya Kikristo AICT  
Mwanza, Tanzania  
Oktoba 2011